

Hong Biensij 《Dauqsaw Gvangjsih Minzczuz Ci》 Cingqsik Haidoengh

9 nyied 8 hauh, Swcigih Dangjveij Dungjcanbu、Swcigih Minzczunghveij youq Nanzningz hai hoilh haidoengh caeuq hoilh beizyin yezvu hong biensij 《Dauqsaw Gvangjsih Minzczuz Ci》(cek daih'it). Swcigih Dangjveij Dungjcanbu cangzvu fubucangj Linz Vaizyungj camgya veiyi caemhcaiq gangjvah. Swcigih Dangjveij Dungjcanbu fubucangj, Swcigih Minzczunghveij Dangicuj suhgi、cujyin Lij Cinlinz doeg le aen dunghcih biensij veijyenzei gvendaengz laebbaenz 《Dauqsaw Gvangjsih Minzczuz Ci》, caemhcaiq daihyauj Swcigih Dangjveij Dungjcanbu、Swcigih Minzczunghveij caeuq dauqsaw benhcizbu fucwzyinz ciemdingh biensij hezyi, hauh'ok hong biensij cingqsik haidoengh.

Aenhoilh giengzdih, biensij

《Dauqsaw Gvangjsih Minzczuz Ci》dwg hangh guhfap youqgaenj haeujlaeg gvancez lozsiz gij swhsiengj youqgaenj gvendaengz gyagiengz caeuq gaijndei hong minzczuz caeuq gij iugouz youqgaenj gvendaengz lwnhgangj hong Gvangjsih Siz Ginbingz cungjsuhgi, haeujlaeg doicaenh hwnqguh gih guhyiengh couqmaenh gij eiqsik Cunghvaz Minzczuz ranz vunz ndeu, dwg hangh vwnzva gunghcwngz cungdiemj Swcigih Dangjveij doengzeiq guh ndeu. Mizgven bouhmonz、biensij donzdui aeu lai roxnyinh gij yiyouqgaenj hong biensij, gaenjgaenj hopheux sienqmeh hong couqmaenh gij eiqsik Cunghvaz Minzczuz ranz vunz ndeu, genhciz gyalae aen fuengyiengq caezcaemh caeuq yungzhab, guh caez guh ndei yinvu biensij, roengzrengz dajcauh gij

minzczuz yenzgiu cingbinj giem miz gyaciz lizsij swhliu caeuq yiyouq daihneix, vih cauhlaeb lizsij swhliu dijhi、vahgangj dijhi、lijlun dijhi Cunghvaz Minzczuz ranz vunz ndeu Cungguk gag guhcawj guh gung'yen Gvangjsih.

Ciuq cam rox, 《Dauqsaw Gvangjsih Minzczuz Ci》giva youq 2027 nienz nienzdaej biensij caez. Dauqsaw bauhamz Cuengh、Gun、Yauz、Myauz、Dung、Mulauj、Veiz、Gingh、Yiz、Suij、Gwzlauj daengj 12 aen minzczuz, doenggvaq hidungj cingileix caeuq gohyoz geiqlnh lizsij goekrag、vwnzva daegcwng caeuq hwnghat ginglig Gvangjsih gak minzczuz, yienh'ok gij saedguh sengdoengh gak minzczuz youq ndaw ciengzgeiz lizsij cincwngz doxbaengh doxgauq、doengzcaez haenqguh

haenx, biengjloh gij gvilwd hwnghat Cunghvaz Minzczuz daj gag youq daengz gag rox、daj lai yiengh daengz caezcaemh. Dauq saw neix yae aeu cauhmoq lijlnun cijdauj caeuq cauhmoq lizsij swhliu guh daegsaek yienhda, gyoebhab yungh gaujgij fatyienh moq、yenzgiu cwngzgoj moq, yawjnaek vatcimh caeuq baijok gij lizsij saedsaeh gak minzczuz “sam gyau”, yienh'ok Gvangjsih gak minzczuz youq cwngei、ginghci、vwnzva、sevei daengj gak fuengmienh mboujduenh demgiengz caezcaemh, cienzmienh baijok swcigih laebbaenz doxdaeuj daegbied dwg Cibbet Daih Dangj doxdaeuj Gvangjsih minzczuz doxgiet baenaj saehnieb miz cingzcik hungloet.

(Veiz Yingjcinh/韦颖琛
Cwnz Yisenz/岑奕璇)

Gvangjsih Minzda Daengz Ningzmingz Guh Diuyenz

Mboengqneix, Gvangjsih Minzczuz Dayoz Vwnzyozyen Cungguk Saujsu Minzczuz Yijyen Vwnzyoz Conhyez 67 boux lauxsae hagseng daengz Ningzmingz Yen guh diuyenz, diuyenzdonz daengz Aiden Cin Aiden Segih、Anhfuz Segih、Nazdangj Cunh、Ganh'ai Cunh daengj diuyenz gij cingzgvang faenboub、sawjyung、daegdiemj Vahcuengh caeuq Vahyauz. Baez diuyenz neix ndaej genjniemh hagseng hag ndaej baenzlawz yiengh, hawj gyoengq hagseng engq rox gij cingzgvang hwnghat vah saujsu minzczuz, doengzseiz vih gveihva gij vah dieg henzguk daezhawj cwngeiz canhgauj.

(Liengz Yijcingz/梁宇晴 Liengz Funghgoz/梁峰阁)



▲Diuyenzdonz youq laeng vunzmbanj cazyawj sawgeq.

Nungz Yencwz ingj



▲Conhgyah caeuq bouxguhnaz cazyawj go haeuxnaz.

Vuzcouh: Conhgyah Haeuj Mbanj Coenghrengz Bouxguhnaz Demsou

9 nyied 5 hauh, gyoengq conhgyah gohgi lajmbanj Gvangjsih daengz Vuzcouh Si Vansiu Gih Yayingj Cin Mbanjdwanh giekdeih ndaem haeuxnaz sijsaeq cazyawj、gohyoz faensik haeuxnaz maj ndaej baenzlawz yiengh, saedbauj haeuxliengz ancienz, bang bouxguhnaz lai canj lai sou. (Yenz Gveihaij/颜桂海)

Sanhgyangh Guh Hozdung Senhconz 2025 nienz “Ciet Goeng'ik Nanznanz”

9 nyied 5 hauh daengz 6 hauh, Sanhgyangh Duncuz Swciyen Hungsziszwvei daengz yienh gungh'anhgiz caeuq Gujyiz Dagiuiz Hozdungh Siujgvangjangz guh hozdung senhconz 2025 nienz “ciet goeng'ik nanznanz”. Doenggvaq fat senhconz swhliu、dangqnaj ganggej daengj fuengsik, bujgiz wngqgip gouqganq cihsiz. Mbat hozdung neix gyoeksuenq fat senhconz swhliu 2500 faenh, hozdung yaugoj maqhuz ndei.

(Yiz Vanjyaz/俞晚霞)



▲Gunghcoz yinzyenz fat senhconz swhliu hawj gingjaz.